

Nit wigg vum Stamm

Musik & Text Björn Heuser / Verlag: HEUSERMUSIK, GMO Publishing

Superhelde – Jänseblümche,
en wigge Welt un svill zo entdecke.
Et es joot – vun Sorje nix ze wisse,
hey kumm, spill met mir verstecke!

Ding kleine ruude Jittar,
un e Schof us Stoff.
Ding leuchtende Auge,
nä, ich krich nit jenooch!

**Der Appel fällt nit wigg vum Stamm,
un lure ich mir dich su ahn,
es dat et Jrößte för mich – ich ben stolz op dich!
Ding brunge Auge sin vun mir,
un eines Jung, dat schwör ich dir,
ejal, wat kumme maach – ich ben för dich do!**

Drache steije – Leeder schrieve,
Phantasie stärker als de Wahrheit.
Fastelovend, länger wach blieve,
janz ejal, wann mer morjens wach weed...

Et es wie e Speejelbild,
us längs verjangner Zick,
un immer, wenn ich et sin,
ben ich total entzück!

Bridge
Un wenn et ens ähnz weed,
verjiss die Laache nit,
un wenn ich irjendwann fott ben,
laach ich em Himmel met dir met!